



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-160-4/25**
Datum: **30.06.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „VELIĆ-KOP“ d.o.o. Bosanska Krupa, za izdavanje vodne dozvole za ispuštanje tehnoloških otpadnih voda i oborinskih onečišćenih voda koje nastaju prilikom izvođenja radova eksploatacije mineralne sirovine dolomita na lokaciji kamenoloma "Velići-Kovačevići" u naselju Mahmić Selo, grad Bosanska Krupa, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu, „VELIĆ-KOP“ d.o.o. Bosanska Krupa, daje se vodna dozvola za ispuštanje tehnoloških otpadnih voda i oborinskih onečišćenih voda prilikom izvođenja radova eksploatacije mineralne sirovine dolomita na lokaciji kamenoloma "Velići-Kovačevići", na zemljištu označenom kao k.č. broj: 705/7, 705/8, 709/1 i 709/2 K.O. Mahmić Selo, Grad Bosanska Krupa.
2. Granice eksploatacionog polja odobrene su Rješenjem Ministarstva privrede Vlade USK broj: 06-18-12818-UP-1/13 dana 09.10.2013. godine, kojim se odobrava površinska eksploatacija mineralne sirovine dolomita unutar eksploatacionog polja „Velići-Kovačevići“, i Rješenjem broj: 06-18-16821-UP-1/13 od 18.07.2014. godine kojim se dozvoljava izvođenje radova po „Glavnom rudarskom projektu eksploatacije dolomita na kamenolomu „Velići-Kovačevići“, Mahmić Selo, Bosanska Krupa, te Ugovora o koncesiji br. KU 035/2013 od 19.06.2013. godine.
3. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
4. Rješenje o vodnoj dozvoli se donosi na osnovu pregleda tehničke dokumentacije kojom raspolaže podnosilac zahtjeva, („Glavni projekat snabdijevanje vodom i odvodnja voda sa površinskog kopa na lokalitetu „Velići-Kovačevići“ u naselju Mahmić Selo – Bosanska Krupa“) urađen od strane ovlaštenog pravnog lica „Zavod za vodoprivredu“ d.d. Sarajevo, aprila 2014. godine u Sarajevu, revidiran od strane ovlaštenog pravnog lica „ES HYDROTECHNICS“ d.o.o. Sarajevo, pod brojem: D-05-085/14 dana 21.05. 2014. godine i izvršenog uvidaja na površinskom kopu-kamenoloma „Velići-Kovačevići“ pod slijedećim uslovima:
 - 4.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 4.2. Da se objekti čija je svrha odvođenje i prečišćavanje tehnoloških otpadnih voda (tipski separatori ulja, masti i naftnih derivata, slivnici, rešetke, kanali, šahtovi, drenažne cijevi, ivičnjaci, rigoli, betonski taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 4.3. Skladištiti goriva, ulja i maziva u natkrivenom prostoru za skladištenje i pretakanje goriva, ulja i maziva sa izvedenom AB tankvanom od vodonepropusnog betona otpornog na dejstva hemikalija, projektnom dokumentacijom nije predviđeno da se na drugačiji način vrši manipulacija istih unutar kamenoloma.
 - 4.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u definisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 4.5. Korisnik kamenoloma je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.

- 4.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 4.7. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 4.8. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
5. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH“, broj 92/07, 46/09, 79/11, 88/12 i 03/16). Za utvrđeni broj EBS-a, prema rezultatima ispitivanja ovlaštene laboratorije, vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja 5 godina, od dana pravosnažnosti ovog Rješenja.
10. U periodu važenja ove dozvole, pravno lice je dužno provoditi sve mjere i aktivnosti propisane istom.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „VELIĆ-KOP“ d.o.o. Bosanska Krupa, obratilo se ovoj Agenciji dana 18.04.2025. godine sa zahtjevom za izdavanje vodne dozvole za površinski kop dolomita-kamenolom "Velići-Kovačevići", na zemljištu označenom kao k.č. broj: 705/7, 705/8, 709/1 i 709/2 K.O. Mahmić Selo, Grad Bosanska Krupa, a čije su granice eksploatacionog polja odobrene navedenim Rješenjem Ministarstva privrede Vlade USK, a na kojem se vrši eksploatacija mineralne sirovine - dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o registraciji, broj: 017-0-Reg-06-000 358, izdanog dana 24.03.2006. godine, od strane Općinskog suda u Bihaću,
- Aktuelni izvod iz sudskog registra, matični broj upisa 1-5448-00 izdat dana: 12.02.2025. godine od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 28.03.2006. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, broj 04/1-UPP/1-24561/07, dana 07.09.2007. godine, u Banja Luci,
- Kopija uplatnice upravne pristojbe,

- Kopija rješenja, kojim se privrednom društvu „VELIĆ-KOP“ doo Bosanska Krupa odobrava površinska eksploatacija mineralne sirovine dolomita unutar granica eksploatacionog polja „Velići-Kovačevići“ Mahmić Selo, na području općine Bosanska Krupa; izdano od strane Ministarstva privrede Unsko-sanskog kantona pod brojem 06-18-12818-UP-1/13 dana 09.10.2013. godine, u Bihaću,
- Kopija Rješenja kojim se privrednom društvu „VELIĆ-KOP“ doo Bosanska Krupa, potvrđuje da ispunjava uslove za bavljenje registrovanom djelatnosti, izdato od strane Ministarstva privrede Vlade USK pod brojem: 06/3-18-3703-UP-1/06 od 03.04.2006. godine,
- Kopija rješenja, kojim se privrednom društvu „VELIĆ-KOP“ doo Bosanska Krupa dozvoljava izvođenje radova po Glavnom rudarskom projektu eksploatacije dolomita na ležištu „Velići-Kovačevići“ Mahmić Selo kod Bosanske Krupe; izdano od strane Ministarstva privrede Unsko-sanskog kantona pod brojem 06-18-16821-UP-1/2013 dana 18.07.2014. godine, u Bihaću,
- Kopija Ugovora o koncesiji br. KU 035/2013 za eksploataciju dolomita na ležištu „Velići-Kovačevići“ u općini Bosanska Krupa, zaključne sa koncesorom – Ministarstvom privrede Unsko-sanskog kantona dana 19.06.2013. godine u Bihaću pod brojem 01-UK/13, odnosno brojem 06-18-6566-1/13,
- Kopija Rješenja o prethodno izdatoj vodnoj dozvoli od strane AVP rijeke Save pod brojem UP-I/25-3-40-203-6/17 od dana 11.07.2017. godine,
- „Glavni projekat snabdijevanje vodom i odvodnja voda“ sa površinskog kopa na lokalitetu „Velići-Kovačevići“ u naselju Mahmić Selo – Bosanska Krupa za ispuštanje tehnoloških otpadnih voda sa lokaliteta kamenoloma „Velići-Kovačevići“ izrađen od strane ovlaštenog pravnog lica „Zavod za vodoprivredu“ dd Sarajevo, aprila 2014. godine, revidiran od strane ovlaštenog pravnog lica „ES Hydrotechnics“ doo Sarajevo pod brojem: D-05-085/14 dana 21.05.2014. godine,
- Zaključak o visini i roku za plaćanje posebnih troškova, izdanog od strane ove Agencije, broj UP-1/21-3-40-160-3/24, dana 26.06.2025. godine, te kopija uplatnice za iste,
- Izvještaj o Monitoringu kvaliteta i kvantiteta otpadnih voda kamenoloma „Velići-Kovačevići“ izrađen od strane ovlaštenog pravnog lica „Inspekt RGH“ doo Sarajevo pod brojem: 729/25 dana 23.04.2025. godine,
- Zemljišnoknjižni izvadak broj: 018-0-NAR-25-000 337 ZK uložak broj 395 KO Mahmić Selo, dana 14.03.2025. godine izdat od strane ZK Ureda Općinskog suda u Bosanskoj Krupi,

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15), izvršen je uviđaj na lokalitetu kamenoloma "Velići-Kovačevići", koji se koristi od strane pravnog lica „VELIĆ-KOP“ d.o.o. Bosanska Krupa, i tom prilikom sačinjen zapisnik o uviđaju, broj: UP-1/21-3-40-160-2/25 od 05.06.2025. godine, pri čemu je utvrđeno:

Predmetni kamenolom "Velići - Kovačevići" je lociran u naselju Mahmić Selo grad Bosanska Krupa.

Eksploataciono polje je površine 1,025 ha ograničeno prelomnim tačkama označenim kao: A, B, C, D, E, F i G koje su definisane koordinatama (x,y):

Prelomne tačke	koordinate	
	y	x
A	5 584 807,59	4 986 351,34
B	5 584 875,00	4 986 334,30
C	5 584 827,57	4 986 160,40
D	5 584 761,92	4 986 200,55
E	5 584 774,75	4 986 247,86
F	5 584 801,98	4 986 247,70
G	5 584 816,26	4 986 305,07

kako je definisano gore navedenim Rješenjem Ministarstva privrede Vlade USK broj: 06-18-12818-UP-1/13 dana 09.10.2013. godine, kojim se odobrava površinska eksploatacija mineralne sirovine dolomita unutar eksploatacionog polja „Velići-Kovačevići“, i Rješenjem broj: 06-18-16821-UP-1/13 od 18.07.2014. godine

kojim se dozvoljava izvođenje radova po „Glavnom rudarskom projektu eksploatacije dolomita na kamenolomu „Velići-Kovačevići“, Mahmić Selo, Bosanska Krupa, te Ugovora o koncesiji br. KU 035/2013 od 19.06.2013. godine, na period od 25 godina.

Na predmetnom kamenolomu izvršen je uviđaj na licu mjesta dana 05.06.2025. godine i sačinjen zapisnik broj: UP-1/21-3-40-160-2/25 te izdat zaključak o posebnim troškovima uviđaja, u vrijeme izvršenja uviđaja, su postojali slijedeći objekti i mašine/ postrojenja: postrojenje za drobljenje kamenog agregata, postrojenje separacije drobljenog kamena, bager i utovarivači te tri kamiona za odvoz kamena, zidani objekt koji služi kao radionica za održavanje radnih mašina sa upravnim i sanitarnim prostorijama.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na dvije etaže.

Na prostoru predmetnog kamenoloma je omogućen priključak na javni vodovodni sistem, za piće i potrebe uposlenih za sanitarnom vodom. Za piće se koristi voda iz vodovoda ili obližnje javne česme.

Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te slijevaju ka obodnom kanalu ispod eksploatacionog polja te se odvođe do taložnika a zatim do separatora ulja i masti prije ispuštanja u obližnji potok.

Izveden je predviđeni obodni kanal na prostoru uz saobraćajnicu oko mjesta eksploatacije dolomita za prihvatanje oborinskih voda sa radnog prostora kamenoloma, koji se spaja na AB taložnik sa kontrolnim oknom prije ispusta u potok, izveden je predviđeni AB plato za pranje i servisiranje te tankovanje radnih mašina i kamiona ispred postojećih objekata i neposredno ispred taložnika.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Nihad Pezo

Nihad Pezo, dipl.inž.građ.

Dostaviti:

- „VELIĆ-KOP“ d.o.o. Mahmić Selo bb, 77240 Bosanska Krupa
- ⊙ - AVP Sava, ISV – Vodna knjiga
- Sektor 40, arhiva
- Sektor 50
- Oglasna ploča - AVP Sava